

ԱՐԴՅՈՒՆԱՀԱՆՈՂ ՃՅՈՒՂԵՐԻ
ԹԱՓԱՆՑԻԿՈՒԹՅԱՆ ՆԱԽԱՁԵՌՆՈՒԹՅՈՒՆ
ԲԱԶՄԱՇԱՀԱՌՈՒ ԽՈՒՄԲ

ՊԱՏԱՍԽԱՆԱՏՈՒ
ՀԱՆՔԱՐԴՅՈՒՆԱԲԵՐՈՒԹՅԱՆ
ԳՈՐԾԵԼԱՈՃԻ ՆԵՐԴՐՄԱՆ
ՃԱՆԱՊԱՐՀԱՅԻՆ ՔԱՐՏԵՋ

ՊԱՏԱՍԽԱՆԱՏՈՒ ՀԱՆՔԱՐԴՅՈՒՆԱԲԵՐՈՒԹՅԱՆ ԳՈՐԾԵԼԱՈՃԻ ՆԵՐԴՐՄԱՆ ՃԱՆԱՊԱՐՀԱՅԻՆ ՔԱՐՏԵՁ

Առաջնորդվելով Արդյունահանող ճյուղերի թափանցիկության նախաձեռնության (այսուհետ՝ ԱՃԹՆ) սկզբունքներով՝ ՀՀ ԱՃԹՆ-ի բազմաշահառու խմբի կողմից նախատեսվել է աջակցություն ցուցաբերել Հայաստանի Հանրապետությունում պատասխանատու հանքարդյունաբերության (այսուհետ՝ ՊՀ) գործելաոճի ներդրմանը՝ որպես երկրի կայուն զարգացման կարևորագույն բաղադրիչներից մեկը, մշակել Հայաստանում ՊՀ գործելաոճի ներդրման ճանապարհային:

Հաշվի առնելով ԱՃԹՆ-ի Ց-րդ պահանջը՝ վավերացման գործընթացում, ի հավելումն ԱՃԹՆ-ի ստանդարտի պահանջների կատարումը գնահատելուն, կարձանագրվեն նաև ԱՃԹՆ-ի ստանդարտի պարտադիր պահանջներից դուրս գործադրված ջանքերը: Դրանք բազմաշահառու խմբի կողմից իրականացվող նախաձեռնություններն են, որոնք նպատակաուղղված են աշխատանքային ծրագրի այն բոլոր նպատակների իրականացմանը, որոնք ընդգրկված չեն ԱՃԹՆ-ի ստանդարտի շրջանակներում, սակայն բազմաշահառու խմբի կողմից սահմանվել են որպես արդյունահանող ոլորտի համար ազգային առաջնահերթություններին արձագանքելու հարցում ԱՃԹՆ-ի անհրաժեշտ նպատակներ:

Ընդունելով ԱՃԹՆ-ի գործընթացի ներուժը նաև ՊՀ ներդրման ուղղությամբ աջակցություն ցուցաբերելու գործում՝ հայաստանյան ԱՃԹՆ-ի շրջանակներում պատվիրվել և մշակվել է ոլորտի օրենսդրական դաշտի ընդհանուր վերլուծություն:

Գիտակցելով, որ ՀՀ կառավարության կողմից մեկնարկել է հանքարդյունաբերության ոլորտի նոր ռազմավարության մշակման գործընթաց, որին պետք է նախորդեն ոլորտին առնչվող երկու խոշոր ուսումնասիրություններ, ինչպես նաև ելնելով ՊՀ-ն՝ որպես ոլորտում առաջնահերթություն սահմանելու ԱՃԹՆ ԲՇԽ-ի մոտեցումից, անհրաժեշտ է ռազմավարության մշակման գործընթացին առավելագույնս մասնակից դարձնել նաև ԲՇԽ-ի ՊՀ աշխատանքային խմբին:

Հիմք ընդունելով վերոնշյալը՝ ՀՀ ԱՃԹՆ ԲՇԽ-ի պատասխանատու հանքարդյունաբերության աշխատանքային խումբը հանձն է առնում՝

- մշակել «Հայաստանյան ԱՃԹՆ-ի բազմաշահառու խմբի մոտեցումը պատասխանատու հանքարդյունաբերության վերաբերյալ» հայեցակարգային փաստաթուղթ՝ հաշվի առնելով Հայաստանի Հանրապետության հանքարդյունաբերության ոլորտի վիճահարույց հարցերը և պատասխանատու հանքարդյունաբերության մշակույթի ներդրման միջազգային փորձը,
- տրամադրել կարծիքներ և առաջակություններ ՀՀ կառավարության կողմից Համաշխարհային բանկի օժանդակությամբ իրականացվող «Հայաստանի ընդերքի ոլորտի տնտեսական վերլուծությունը և դրա ազդեցությունը կայուն զարգացման վրա» և «Հայաստանի հանքարդյունաբերության ոլորտի բնապահպանական և առողջապահական գնահատում՝ ոլորտի քաղաքականության մշակմանը նպաստելու նպատակով» ուսումնասիրությունների շրջանակներում:
- տրամադրել կարծիքներ և առաջարկություններ «Հանքարդյունաբերության ոլորտի ռազմավարության» մշակման աշխատանքների ընթացքում:
- հիմնարար փաստաթղթերի վերաբերյալ խմբի անդամների կողմից ներկայացված կարծիքները տրամադրել նաև ԲՇԽ-ին:

Ընդունելով, որ համընդհանուր ռազմավարության մշակումը և ոլորտի զարգացման հիմնական ուղղությունների ընդունումը կպահանջի 1-2 տարի, գտնում ենք, որ աշխատանքային խմբի ներուժը հնարավոր է օգտագործել նաև արդեն շրջանառվող կամ ընթացքում նոր իրավական ակտերի և նախագծերի կատարելագործման ուղղությամբ:

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ՊԱՏԱՍԽԱՆԱՏՈՒ ՀԱՆՔԱՐԴՅՈՒՆԱԲԵՐՈՒԹՅԱՆ ԳՈՐԾԵԼԱՈՃ ՆԵՐԴՆԵԼՈՒ ԳՈՐԾՈՂՈՒԹՅՈՒՆՆԵՐԻ ԺԱՄԱՆԱԿԱՑՈՒՅՑ¹

ՀՈԴՎԱԾ	ՆՊԱՏԱԿ	ԳՈՐԾՈՂՈՒԹՅՈՒՆՆԵՐ	ՊԱՏԱՍԽԱՆԱՏՈՒ	ՎԵՐՋՆԱԺԱՄԿԵՏ
1. «Հայաստանյան ԱՃԹՆ-ի բազմաշահառու խմբի մոտեցումը պատասխանատու հանքարդյունաբերության վերաբերյալ» հայեցակարգային փաստաթղթի մշակում	Հանքարդյունաբերության ոլորտին առնչվող հիմնախնդիրների վերլուծության և միջազգային փորձի ուսումնասիրության հիման վրա տալ պատասխանատու հանքարդյունաբերության սահմանումը կամ շրջանակը, որտեղ կարտացոլվեն ՊՀ-ի ընդհանուր ուղղություններն ու առաջնահերթությունները:	1.1 Պատասխանատու հանքարդյունաբերության շրջանակի և ուղղությունների վերաբերյալ առաջարկությունների ներկայացում ԲՇԽ-ի պատասխանատու հանքարդյունաբերության աշխատանքային խմբի կողմից:	ՊՀ-ի աշխատանքային խումբ	հունվար 2019թ.
		1.2 Հավաքագրված առաջարկությունների վերաբերյալ քննարկման անցկացում աշխատանքային խմբի կողմից, փաստաթղթի կազմում և ներկայացում ԲՇԽ-ին:	ՊՀ-ի աշխատանքային խումբ	փետրվար 2019թ.

¹ 2-րդ, 3-րդ և 4-րդ հոդվածների ժամկետները պայմանավորված կլինեն Համաշխարհային բանկի ֆինանսավորմամբ իրականացվող Հանքարդյունաբերության ոլորտի քաղաքականության ծրագրի (Դրամաշնորհ թիվ TF0A5519) շրջանակներում ՀՀ կառավարության համապատասխան միջոցառումների փաստացի իրականացման ժամկետներով:

		1.3 Հայեցակարգային փաստաթղթի հաստատում:	ԲՇԽ	փետրվար-մարտ 2019թ.
2. Հանքարդյունաբերության ոլորտի տնտեսական վերլուծության աշխատանքներին մասնակցություն	Որպես երկրի տնտեսության մեջ էական տեղ զբաղեցնող ոլորտ, անհրաժեշտ է գնահատել հանքարդյունաբերության իրական տնտեսական ներուժը, գնահատել հանքերի տնտեսական կառավարման արդյունավետության աստիճանը, ինչպես նաև հանքի ներդրումը ազդակիր համայնքի զարգացման գործում:	2.1 Կարծիքների և առաջարկությունների տրամադրում «Հայաստանի ընդերքի ոլորտի տնտեսական վերլուծությունը և դրա ազդեցությունը կայուն զարգացման վրա» ուսումնասիրության ամփոփ նկարագրի վերաբերյալ և հնարավորության դեպքում մասնակցություն դրանց շուրջ հանդիպում-քննարկմանը:	ՊՀ-ի աշխատանքային խումբ, Էներգետիկ ենթակառուցվածքների և բնական պաշարների նախարարություն	փետրվար-մարտ 2019թ.
		2.2 Կարծիքների և առաջարկությունների տրամադրում «Հայաստանի ընդերքի ոլորտի տնտեսական վերլուծությունը և դրա ազդեցությունը կայուն զարգացման վրա» ուսումնասիրության նախնական տարբերակի վերաբերյալ և հնարավորության դեպքում մասնակցություն դրանց շուրջ հանդիպում-քննարկմանը:	ՊՀ-ի աշխատանքային խումբ, Էներգետիկ ենթակառուցվածքների և բնական պաշարների նախարարություն	ապրիլ-մայիս 2019թ.

		2.3 Կարծիքների և առաջարկությունների տրամադրում «Հայաստանի ընդերքի ոլորտի տնտեսական վերլուծությունը և դրա ազդեցությունը կայուն զարգացման վրա» ուսումնասիրության վերջնական տարբերակի վերաբերյալ և հնարավորության դեպքում մասնակցություն դրանց շուրջ հանդիպում-քննարկմանը:	ՊՀ-ի աշխատանքային խումբ, Էներգետիկ ենթակառուցվածքների և բնական պաշարների նախարարություն	հունիս-հուլիս 2019թ.
3. Մասնակցություն Հայաստանի հանքարդյունաբերության ոլորտի բնապահպանական և առողջապահական գնահատման աշխատանքներին՝ ոլորտի քաղաքականության	Անհրաժեշտ է գնահատել հանքարդյունաբերության ոլորտի զարգացման արդյունքում ազդակիր համայնքների և աշխատակիցների վրա բնապահպանական ու առողջապահական ազդեցությունները, ինչպես նաև ուսումնասիրելով ներկա իրավական և կանոնակարգային դաշտը և ինստիտուցիոնալ կարողությունները, պարզել	3.1 Կարծիքների և առաջարկությունների տրամադրում «Հայաստանի հանքարդյունաբերության ոլորտի բնապահպանական և առողջապահական գնահատում՝ ոլորտի քաղաքականության մշակմանը նպաստելու նպատակով» ուսումնասիրության ամփոփ նկարագրի վերաբերյալ և հնարավորության դեպքում մասնակցություն դրանց շուրջ հանդիպում-քննարկմանը:	ՊՀ-ի աշխատանքային խումբ, Բնապահպանության նախարարություն	մարտ-ապրիլ 2019թ.

<p>մշակմանը նպաստելու նպատակով</p>	<p>առկա բացերը մի շարք բնագավառներում (ջրային ռեսուրսների , հողի, օդի որակի, հանքավայրի իրավահաջորդման, թափոնների կառավարում, առողջության վրա ազդեցության գնահատումը և այլն):</p>			
		<p>3.2 Կարծիքների և առաջարկությունների տրամադրում «Հայաստանի հանքարդյունաբերության ոլորտի բնապահպանական և առողջապահական գնահատում՝ ոլորտի քաղաքականության մշակմանը նպաստելու նպատակով» ուսումնասիրության նախնական տարբերակի վերաբերյալ և հնարավորության դեպքում մասնակցություն դրանց շուրջ հանդիպում-քննարկմանը:</p>	<p>ՊՀ-ի աշխատանքային խումբ, Բնապահպանության նախարարություն</p>	<p>մայիս-հունիս 2019թ.</p>

		<p>3.3 Կարծիքների և առաջարկությունների տրամադրում «Հայաստանի հանքարդյունաբերության ոլորտի բնապահպանական և առողջապահական գնահատում՝ ոլորտի քաղաքականության մշակմանը նպաստելու նպատակով»</p> <p>ուսումնասիրության վերջնական տարբերակի վերաբերյալ և հնարավորության դեպքում մասնակցություն դրանց շուրջ հանդիպում-քննարկմանը:</p>	<p>ՊՀ-ի աշխատանքային խումբ, Բնապահպանության նախարարություն</p>	<p>հուլիս-օգոստոս 2019թ.</p>
<p>4. Հանքարդյունաբերության ոլորտի ռազմավարության մշակում</p>	<p>Աջակցություն հանքարդյունաբերության ոլորտի այնպիսի ռազմավարության մշակմանը, որը կնպաստի երկրի երկարաժամկետ կայուն զարգացմանը:</p>	<p>4.1 Մասնակցություն հանքարդյունաբերության ոլորտի ռազմավարություն մշակող ընկերության ընտրության համար տեխնիկական առաջադրանքի կազմման աշխատանքներին:</p>	<p>ՊՀ աշխատանքային խումբ, Էներգետիկ ենթակառուցվածքների և բնական պաշարների նախարարություն</p>	<p>հոկտեմբեր 2019թ.</p>
		<p>4.2 Կարծիքների և առաջարկությունների տրամադրում մշակվող փաստաթղթի ամփոփ նկարագրի (նախատեսված լինելու դեպքում) վերաբերյալ և մասնակցություն հանդիպում-քննարկմանը:</p>	<p>ՊՀ աշխատանքային խումբ, Էներգետիկ ենթակառուցվածքների և բնական պաշարների նախարարություն</p>	<p>2020թ.</p>

		4.3 Կարծիքների և առաջարկությունների տրամադրում նախնական փաստաթղթի վերաբերյալ և մասնակցություն հանդիպում-քննարկմանը:	ՊՀ աշխատանքային խումբ, Էներգետիկ ենթակառուցվածքների և բնական պաշարների նախարարություն	2020թ.
5. Շրջանառվող և նոր իրավական ակտերի նախագծերի մշակման աշխատանքներ պետական մարմինների հետ	ՊՀ-ի հայեցակարգային փաստաթղթերի ընդհանուր տրամաբանությունից ելնելով՝ օրենսդրական առաջարկների ներկայացում:	5.1 Հանքարդյունաբերության ոլորտին առնչվող իրավական ակտերի և նախագծերի մոնիթորինգի իրականացում և առաջարկությունների ներկայացում աշխատանքային խմբի քննարկմանը՝ հետագայում առավել ամփոփ կարծիքներով և հիմնավորմամբ հանրագիր ներկայացնելու նպատակով:	ՊՀ աշխատանքային խումբ	ընթացիկ